

Na osnovu člana 27. i 29. Uredbe sa zakonskom snagom o ustanovama („Službeni list RBiH“, broj: 6/92 i 13/94), člana 65. i 66. Zakona o predškolskom odgoju i obrazovanju ("prečišćeni tekst) („Službene novine Tuzlanskog kantona“, broj: 10/2020, 5/2022 i 5/2025) (U daljem tekstu: Zakon), člana 18. i 23. Pravila JU za predškolski odgoj i obrazovanje „Sapna“ Sapna broj: 02-02-791-02-01/24 od 30.04.2025. godine, privremeni Upravni odbor JU za predškolski odgoj i obrazovanje „Sapna“ Sapna, na sjednici održanoj dana 15.05.2025. godine, raspisuje:

JAVNI KONKURS

za izbor i imenovanje direktora JU za predškolski odgoj i obrazovanje „Sapna“ Sapna

I Raspisuje se javni konkurs za izbor i imenovanje direktora JU za predškolski odgoj i obrazovanje „Sapna“ Sapna (U daljem tekstu: Ustanova) na mandatni period u trajanju od 4 godine.

II Opis pozicije direktora

Direktor obavlja sljedeće poslove: rukovodi radom Ustanove, zastupa Ustanovu i odgovoran je za zakonitost rada Ustanove, stara se o ostvarenju plana i programa, izrađuje prijedlog godišnjeg programa rada Ustanove, saraduje sa organima i tijelima općinske i kantonalne vlasti i najbližim okruženjem Ustanove, odlučuje o raspoređivanju radnog osoblja u Ustanovi i vrši ocjenjivanje njihovog rada, te u slučaju neispunjavanja obaveze iz radnog odnosa preduzima mjere iz svoje nadležnosti i obavještava Upravni odbor, podnosi Upravnom odboru izvještaj o radu i rezultatima rada, izvršava odluke Upravnog odbora i stručnih organa Ustanove, vrši prijem zaposlenika u radni odnos, odlučuje o pravima i obavezama zaposlenika iz radnog odnosa u prvom stepenu, vrši ocjenjivanje rada uposlenika Ustanove, informiše Upravni odbor o radu i finansijskom poslovanju Ustanove, rukovodi sjednicama stručnog vijeća, vrši i druge poslove u skladu sa zakonom, Odlukom o osnivanju i Pravilima Ustanove.

II Kandidat za direktora JU za predškolski odgoj i obrazovanje mora ispunjavati opće i posebne uslove i to:

a) OPĆI USLOVI:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u BiH u periodu od 3 godine prije objavljivanja konkursa,
- da se na njega ne odnosi član IX.I. Ustava BiH,
- da posjeduje opću radnu i zdravstvenu sposobnost za obavljanje poslova za koje se kandiduje,
- da nije na funkciji u političkoj stranci,
- da ne obavlja posao ili ne vrši dužnost koja po posebnom zakonu ili drugom propisu predstavlja smetnju za imenovanje na poziciju direktora Ustanove,
- da nije osuđivan za krivično djelo,
- da se protiv njega ne vodi krivični postupak.

b) POSEBNI USLOVI:

- da ima završenu visoku stručnu spremu (VSS) ili završen prvi ciklus visokog obrazovanja po bolonjskom sistemu studiranja u najmanje četverogodišnjem trajanju koji se vrednuje sa 240 ECTS bodova iz oblasti predškolskog odgoja, pedagogije, specijalne pedagogije ili psihologije ili društvenih nauka,
- da ima najmanje pet godina radnog iskustva u struci nakon sticanja odgovarajuće visoke stručne spreme,
- da se ističe organizacionim sposobnostima,
- da ima program rada i razvoja Ustanove za mandatni period na koji se imenuje.

III Za direktora Ustanove ne može biti imenovano lice kod kojeg postoje smetnje za imenovanje propisane članom 68. Zakona, odnosno lice:

- koje je dva puta uzastopno imenovano na poziciju direktora Ustanove,
- koje je, shodno članu 57a. Zakona, nepodobno za rad sa djecom,
- na koje se odnosi član IX1. Ustava Bosne i Hercegovine,
- koje je član izvršnih organa političkih stranaka,

- koje ima izravan finansijski ili drugi lični interes u predškolskoj ustanovi u kojoj se kandidira koji bi mogao dovesti do sukoba interesa sa njegovom dužnošću direktora,
- kojem je u posljednje tri godine prije objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
- koje je pravosnažno osuđeno za neko od krivičnih djela protiv ustavnog poretka, protiv čovječnosti i međunarodnog prava, protiv života i tijela, protiv spolne slobode i morala, protiv braka i porodice, protiv zdravlja ljudi, protiv javnog reda i pravnog prometa, podmićivanja ili protiv službene ili druge odgovorne funkcije osim ako je nastupila rehabilitacija po posebnom zakonu, koje je kažnjavano iz oblasti privrednog prestupa, kojem je izrečena zaštitna mjera zabrane vršenja poslova direktora, odgajatelja ili stručnog saradnika predškolske ustanove ili koje u mandatnom periodu stiče uvjete za odlazak u penziju shodno odredbama Zakona o radu.

Uz prijavu kandidati su obavezni priložiti sljedeće:

1. svojeručno potpisanu kraću biografiju sa adresom i kontakt telefonom,
2. izvod iz matične knjige rođenih, ne stariji od 3 mjeseca,
3. uvjerenje o državljanstvu, ne starije od 3 mjeseca,
4. diplomu o završenom fakultetu (ovjerena fotokopija),
5. potvrdu o posjedovanju najmanje pet godina radnog iskustva u struci nakon sticanja odgovarajuće visoke stručne spreme,
6. program rada i razvoja Ustanove za period na koji se imenuje,
7. uvjerenje nadležnog suda da se protiv kandidata ne vodi prekršajni postupak i da mu nije izrečena zaštitna mjera obavljanja djelatnosti, te da nije pokrenut niti vođen postupak za koji se može izreći zaštitna mjera zabrane vršenja poslova direktora, odgajatelja ili stručnog saradnika predškolske ustanove,
8. uvjerenje nadležnog MUP-a da kandidat nije osuđivan,
9. uvjerenje nadležnog suda da se protiv kandidata ne vodi krivični postupak,
10. ovjerenu izjavu kandidata o sljedećim činjenicama:
 - da nije mu otkazan ugovor o radu zbog disciplinske odgovornosti i da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja konkursa,
 - da se na njega ne odnosi član IX 1. Ustava Bosne i Hercegovine,
 - da nije na funkciji u političkoj stranci, da nije član izvršnih organa u političkoj stranci,
 - da ne obavlja posao ili ne vrši dužnost koja po posebnom zakonu ili drugom propisu predstavlja smetnju za imenovanje na poziciju direktora predškolske ustanove za koju se kandiduje,
 - da nije, shodno članu 57a. Zakona, nepodoban za rad sa djecom,
 - da nema direktan finansijski ili drugi lični interes u predškolskoj ustanovi u kojoj se kandidira koji bi mogao dovesti do sukoba interesa sa njegovom dužnosti direktora,
 - da nije pravosnažnom presudom osuđen na kaznu zatvora za krivično djelo protiv ustavnog poretka, protiv čovječnosti i međunarodnog prava, protiv života i tijela, protiv spolne slobode i morala, protiv braka i porodice, protiv zdravlja ljudi, protiv javnog reda i pravnog prometa, podmićivanja ili protiv službene ili druge odgovorne funkcije osim ako je nastupila rehabilitacija po posebnom zakonu, da nije kažnjavan iz oblasti privrednog prestupa, da mu nije izrečena zaštitna mjera zabrane vršenja poslova direktora, odgajatelja ili stručnog saradnika predškolske ustanove i da u mandatnom periodu nestiče uvjete za odlazak u penziju shodno odredbama Zakona o radu.
 - da nije imenovan za direktora predškolske ustanove u dva uzastopna mandata u predškolskoj ustanovi za koju se kandiduje.

Kandidat koji bude izabran i imenovan biće obavezan da dostavi ljekarsko uvjerenje.

Mandat direktora traje 4 godine i isto lice može biti ponovo imenovano, a najviše dva puta uzastopno.

Dokumenti koji se prilažu moraju biti dostavljeni u originalu ili ovjerenj fotografiji.

Javni konkurs biće objavljen u "Službenim novinama F BiH" i dnevnom listu "Oslobođenje".

Rok za podnošenje prijave za konkurs je 15 dana od dana objavljivanja u novinama koje posljednje objave konkurs.

Svi kandidati čije su prijave formalno-pravno ispravne bit će pozvani na intervju.

Nakon provedene konkursne procedure, Upravni odbor na osnovu pribavljenog mišljenja Pedagoškog zavoda i saglasnosti osnivača, vrši izbor i imenovanje direktora Ustanove.

O rezultatima konkursa kandidati će biti obaviješteni pisano, putem pošte na adresu navedenu u prijavi, u roku od osam (8) dana od dana donošenja odluke o imenovanju direktora Ustanove.

Prijave na javni konkurs sa potrebnom dokumentacijom dostaviti lično ili poštom preporučeno na adresu: Javna ustanova za predškolski odgoj i obrazovanje "Sapna" Sapna, ul. Dževada Beganovića Mahena bb, 75 411 Sapna, sa naznakom "PRIJAVA NA JAVNI KONKURS ZA IZBOR I IMENOVANJE DIREKTORA JAVNE USTANOVE ZA PREDŠKOLSKI ODGOJ I OBRAZOVANJE "SAPNA" SAPNA- NE OTVARATI".

Nepotpune i neblagovremene prijave neće biti uzete u razmatranje.

P R E D S J E D N I K
PRIVREMENOG UPRAVNOG ODBORA

Emina Alić, dipl. pravica

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SAPNA
JAVNA USTANOVA ZA PREDŠKOLSKI ODGOJ
I OBRAZOVANJE "SAPNA" SAPNA
PRIVREMENI UPRAVNI ODBOR
Broj: 02-02-791/24
Datum, 15.05.2025. godine.